

DE SONORUM ITERANDORUM ARTE CAESARIANA

Scripsit

IOSEPHUS KORPANTY

Initium disputandi ab alliteratione capiam¹. Qua in re idem sentio atque ei, qui dicant non solum alliterationem initialem tenendam esse (quae nonnumquam duo vel plura phonemata continet et a me adaucta nominatur), sed etiam phonemata in syllabarum initio, praecipue autem post praefixum iterata respicienda². Omnibus commentarios Caesaris legentibus patere puto eum alliterationibus admodum delectatum esse. Similiter atque apud alios auctores Latinos plurimae sunt alliterationes consonantium **p, b**³; **c, q, g, t, d**. En habes exempla a me selecta: **p, b**: *Gall.* I 12, 7: “**pr**inceps **po**enas **pers**olvit”; I 13, 4: “**bel**lo **per**sequi **per**severaret”⁴; I 27, 1–3: “**ped**es **pro**iecissent **supp**liciterque [...] **pac**em **pet**issent [...] **par**uerunt”⁵; I 39, 5: “(equitatu) **pra**erant **per**turbabantur” (consonantes **p, b** et **t** perturbationem premunt); II 11, 1: “**pr**imum [...] **per**eret [...] **per**venire **prop**eraret [...] **pro**fectio”⁶; II 13, 3: “**pon**eret **pu**eri **pass**is [...] **pac**em [...] **pet**ierunt”;

¹ Repetitiones phonicas litteris crassioribus distinguimus. Praemonendum est in repetitionibus phonice respondere sibi sonos hos: **c, g, c, q, g, q, y, u, y, i, t, d, p, b, v, f, ch (kh), c, th, t, ph, p, ph, f, ae, e, ae, a, oe, u, oe, e, oe, i, au, o, ns, s**.

² Cf. e.g. *Caes. Civ.* III 73, 5: “**expul**sisse ac [...] **repugn**antes”.

³ Scriptoribus Latinis cordi erat multa vocabula a consonantibus **p, b** incipientia congregare, cf. e.g. *Cato, Orat. LII in Lentulum* 200: “**pat**rem **pr**imum **post**ea **pat**ronum **prox**imum” (in oratorum fragmentis afferendis editione ab Henrica Malcovati parata usus sum); *Enn. Trag.* 320 sq. Klotz: “**par**at [...] **op**ortet **par**atum **pest**em ut **particip**et **par**em”; 408: “**per**vince **per**tinaci **per**vicacia”.

⁴ Cf. *Cic. Verr.* II 5, 149: “**bel**lo **per**sequi **possem** [...] **in**punitam”.

⁵ Cf. *Poetae (tragic) incerti ed. Klotz*: “**postulat pacem petens**”; *Cic. Phil.* VII 25: “**praesentis pacis perpetuam pacem**”; *Liv.* I 16, 3: “**pacem precibus exposcunt [...] propitius**”; I 37, 6: “**perditis [...] prope rebus pacem petiere**”; II 49, 12: “**pacem supplices petunt [...] impetratae**”; IX 4, 2: “**primum pacem [...] peterent [...] pacem [...] impetrarent [...] provocarent [...] pugnam**”; IX 45, 2: “**saepe bellum parantes pacem petissent**”.

⁶ Consonans **p** saepe iteratur, cum de festinatione sermo est, e.g. *Lucret.* I 14 sq.: “**pecudes persultant pabula [...] rapidos**”; *Petr.* 114, 14: “**procurrere piscatores parvulis expediti [...] praedam rapiendam**”; cf. etiam *Liv.* XXXII 29, 1: “**priusquam [...] praetoresque in provinciis proficiscerentur prodigia procurari placuit**”.